

# HOROLOGIIUM NOCTURNUM MAGNETICUM,

116

*Olim*

IN AULA ACADEMICA UNIVERSITATIS  
OLOMUCENSIS

publico Exercitio propositum,

*Nunc*

pleniùs explicatum, & in lucem datum.

*AD*

Elevationem Poli Olomucensem, Pragensem,  
& Wratislaviensem,

AUTHORE

R. P. JOANNE HANCKE  
Societatis Jesu Sacerdote.

*Accesit*

Tabella Azimuth Solis denuo revisa;

*Item*

Tabella Umbrarum à Gnomone projectarum, Sole 12. signorum  
initia, eorùmq; decades oberrante,

Ut proinde his chartis instructus sub dictâ Poli elevatione diu, noctâque,  
sereno Cœlo, horas indagare possis.

---

O L O M U C I I,

Typis JOANNIS JOSEPHI KYLIAN, Anno M. DC. LXXXIII.

Seneca Epistol: 88.

V Enio nunc ad illum, qui cœlestium notitiâ gloriatur.

*Frigida Saturni quo sese stella receptet,*

*Quas ignis cœli Cyllenius erret in Orbes.*

Hoc scire quid proderit? ut sollicitus sim, cùm Saturnus & Mars ex contrario stabunt, aut cùm Mercurius vespertinum faciet occasum vidente Saturno -- scias ista, nescias, fient.

*Si verò Solem ad rapidum, stellâsq, sequentes*

*Ordine respicias, nunquam te crastina fallet*

*Hora, nec insidijs noctis capiêre serena. --*

Quid ergo? nihil liberalia nobis conferunt studia? ad alia multùm, ad Virtutem nihil. Quare ergo liberalibus studijs filios enutrimus? non quia virtutem dare possunt, sed quia animum ad accipiendam virtutem præparant. Quemadmodum prima illa, ut antiqui vocabant, literatura, per quam pueris Elementa traduntur, non docet liberales Artes, sed mox percipiendis locum parat: sic liberales Artes non perducunt animum ad virtutem, sed expediunt.

# HOROLOGIIUM NOCTURNUM

## MAGNETICUM,

In Aula Academica Universitatis Olomucensis  
publico exercitio propositum.

### P R O O E M I U M.

**N**otissima sunt, passimque Eruditorum manibus tractantur Sciatherica magnetica ad Solem accommodata, quorum beneficio horas diurnas cœlo serenato licet colligere, supputatis eum in finem ad singula signorum initia circulis Azimuth, quos eo tempore Planeta Solaris occupat.

Hæc dum animo curis Aristotelicis nonnihil vacuo revolverem, subintravit cupido, atque oculis stimulavit, ut acum magneticam horis quoque nocturnis, ad tenuiores Astrorum faculas explorandis aptarem: quam cogitationem, cum deinde ex Officij mei ratione in Aula Universitatis nostræ discutiendam proponerem, visa est placuisse Auditoribus non paucis: illud solum metuebant, ne θεωρητικὴν fortassis, difficilem aut nullum prorsus usum admitteret; laconicè enim tunc, & verbis in compendia redactis exponebatur inventio, atque ita quæ brevitate sequitur obscuritas, prædictam ijs injecerat sollicitudinem; quare ut eam plenius tollerem, placuit omnia largiore calamo ex fundatis Astronomiæ principijs deducere.

### C A P U T I.

Fabrica Instrumenti sub noctem horodictici,  
atque usus.

**P**arentur duæ laminæ, vel tabellæ majores, sibi invicem ita per vertebam conjunctæ, ut circa illius cardines liberè conjungi & disjungi valeant portatilium Horologiorum in morem; harum altera limbum habeat in gyrum efformatum, intra quem librata sit acus magnetica; circuli verò peripheria in 360. gradus divisa esto.

His positis, ducatur linea A B. lateri F G. parallela, item alia C D. priori ad angulos rectos, quæ limbum totum in quatuor partes æquales distribuat: his adscribe plagas Cœli: puncto B. videlicet Septentrionem, puncto A. Meridiem, &c. ut moris est, hac enim ratione, cum lineâ G F. vel B A. in stellam directâ vertex lingulæ in K. substiterit, manifestum est sidus à Septentrione in Occasum recedens secundum quantitatem arcus K M. & consequenter verum stellæ Azimuth erit arcus M N. qui cum priori angulum rectum constituit.





Elige dein stellam certam (nos radicem caudæ majoris Ursæ interim assumpsimus) & supputa pro duodenis Zodiaci signis, in quoro ad singulas horas prædicta stella sit Azimutho, reperies (juxta elevationem poli 50. gr.) Sole primum gradum Arietis occupante, stellam versari horâ 7. vespertinâ v. g. in 44. azimuth, similiter horâ 8. vespertinâ deprehendes stellam esse Orientalem, & in quadragesimo propè Azimutho morari.

Eadem ratione videbis Astrum prædictum horâ noctis duodecimâ sexagesimum tertium azimuth Orientis prætergressum. horâ deniq; primâ factio in Occidentalem plagam transitu ad septuagesimum secundum azimuth tendere conspicietur, ut ex tabella sub finem capituli 2. licebit colligere; quam tabellam, ut semper ad manum habeas, in sculpe planis F E. vel C D. eritque instrumentum ad indagandas ex Azimuthis stellæ horas nocturnas idoneum.

Ufus porro illius nihil aliud requirit, nisi ut lamina C. D. sit Horizonti parallela, altera verò F E. priori ad rectos insitit angulos: oculo dein post planum verticale F E. posito, eousq; versabis instrumentum, donec prædicta stella eclipsetur sive obtegatur, noteriturque quot gradibus, & versus quam cœli plagam lingula magnetica in loco sibi debito quiescens à linea B A. recesserit; & si quidem Sole in primo v. g. Arietis gradu constituto, recesserit ex B. versus K. 18. gradibus 28. min: atq; ad complementum ipsius, hoc est angulus m o n. sive verum Azimuth stellæ numerârit 71. gr: 32. minut: inferes horam noctis esse primam; si complementum anguli B o K. fecerit 43. grad: 41. minut: inferes horam esse secundam; si denique angulus prædictus fuerit 39. graduum, inferes horam adesse quintam, &c.

Quod si chalybea virgula à B. versus D. recesserit; necesse est stellam morari in parte cœli orientali, atque aded si acus cum linea o B. angulum fecerit 48. grad: 42. minutorum, erit stellæ Azimuth orientale 41. gr: 18. min: itaque inferes horam noctis adesse undecimam, &c. ut in tabella ad finem capituli secundi notatam vides.





Modus porro Tabellam prædictam conficiendi eo nititur problemate; ut ad singulas horas inveniamus verum stellæ Azimuth; quod sequenti paragrapho docebimus.

118



## CAPUT II.

### Quomodo ad datam Poli elevationem inveniendum sit verum Stellæ Azimuth.


**N**Omne Azimuthi intelligo arcum Horizontis, quem circulus Verticalis per stellam ductus, cum circulo verticali primario puncta ortus & occasus æquinoctialis transeunte, intercipit: pro quo reperiendo sit meridianus A I K M. æquator E X I. horizon M K. circulus verticalis A H. locus sideris B. per quem ductus sit declinationis quadrans C q.

*Vide Fig: 2.*


et 3.



Quoniam igitur nota est ad datum tempus distantia Solis à meridie, sive arcus X I. (singulis enim horis solaribus transeunt meridianum æquatoris gradus 15. 2. min: fere) nota item ascensio recta Solis  X. \*idcirco si huic ascensioni distantiam Solis à meridie in quadrante occidentali addideris; vel è contra Sole in quadrante orientali constituto (*vide Fig: 3.*) eam distantiam Solis à meridie, ex recta Solis ascensione abstuleris, prodibit ascensio recta medij Cœli nimirum arcus  I.

\* Characteres Astronomicos in figuris prius adsculptos. postea defectu typi notis Calendarij suis expressimus.

Inquiratur deinde ascensio recta Stellæ  q. hæc subtrahatur ex ascensione recta medij cœli, si stella est in quadrante occidentali, vel è contra ascensio recta medij Cœli auferatur ab ascensione stellæ, si stella est in quadrante orientali, differentia residua I q. erit vera stellæ distantia æquatoria à meridiano, sive arcus I q. qui mensurat angulum I C q. cum quo, & lateribus B C. C A. notis \* reperies angulum C A B. hunc autem mensurat arcus m p. Igitur complementum quoque ejus innotescet, sive arcus p o. quem Verticalis primarius, & circulus A B H. per Zenith & stellam ductus intercipit.


\* C A nāq; est complement: elevat: et C B est complement: declinationis aliunde ex Tabulis nota.


Atque ut rem exemplo declaremus, sit arcus X I. 120. grad: & 20. minut: (tantum ferme Sol distat à meridie horâ octavâ pomeridianâ) versetur autem tunc Planeta Solaris X in primo  gradu.

Inquire ex tabulis sive Clavij sive Riccioli, sive aliorum, Solis ascensionem rectam, hoc est \* arcum  X, deprehendes esse 208. grad: 51. minut: adde huic arcum X I. prodibit ascensio recta medij Cœli, sive arcus  E X I, 329. grad: 11. minut:

\* Vide Fig: 2.



Similiter ex recentiorum tabulis inquiratur ascensio recta Stellæ fixæ, sive arcus  E q. numerat porro radix caudæ majoris Ursæ nunc ascensionem rectam 189. grad: 54. min: quare si hanc (cùm stella sit in parte Cœli occidentali) ex ascensione recta medij cœli subtraxeris, remanebit arcus q I. sive distantia stellæ à Meridiano 139. grad: 17. minut: qui arcus mensurat angulum I. C q.

Quod attinet latus CB, illud notum habebis, si declinationem stellæ 58. grad: 36. minut: subtrahas ex 90. gradibus, residuum erit arcus CB. videlicet  1. grad: 24. minut: Arcus CA. repræsentat complementum elevationis polaris, unde ex hypothesi est graduum 40. præcisè.

Restat analysis trianguli B A C. pro qua leges Trigonometriæ Britannicæ deservient; nam si à latere BC, quod angulo quæsito opponitur ad latus CA perpendicularem duxeris, erit ut sinus totus, vel logarithmus illius 100,000,000. ad sinum complementi BCA, vel logarithmum illius 98796375. partium,\* ita tangens, vel logarithmus tangentis CB. 97856164. ad tangentem, vel logarithmum tangentis CD. Proinde addendus erit secundus logarithmus tertio, & ex eorum summa logarithmus primus subtrahendus, residuum erit logarithmus quartus, cui responderet quàm proximè arcus, sive tangens CD. 24. graduum, 50. minutorum.

\* Vide Fig: 2.

Invento CD. cognoscitur latus DA. quod in casu posito, ubi perpendicularis ducta extra triangulum cadit, est graduum 64. 50. minut: Porro, ut sinus DA, vel logarithmus illius ad sinum CD. vel logarithmum illius, ita tangens anguli BCA, vel logarithmus illius ad tangentem DAB vel logarithmum illius: facta additione & subtractione prodit logarithmus 96013668. cui responderet in tabulis A. Vlacque arcus 21. grad: 46. minutorum, complementum ergo illius, sive arcus Horizontis, PO. quem primus Verticalis & Azimuth stellæ intercipit est 68. grad: 14. min:

Iterum sit computandum azimuth stellæ, pro hora tertia noctis, sole primum Capricorni gradum occupante, eritque arcus XI. (vide Fig: 3.) 135. grad: 22. minut: fere (tantum enim distat à meridie Sol sub horam tertiam matutinam.) Porro Solis ascensio recta est graduum 271. 6. minut: ex qua si auferas distantiam Solis à meridie, prodibit ascensio recta medij Cœli 135. grad: 44. minu: Est autem stella eo tempore in parte cœli orientali, igitur ex ascensione recta stellæ auferenda est ascensio medij cœli, ut habeatur distantia ejusdem stellæ à meridiano, sive angulus I C q. 54. gr: 10. minut.

Duca-



Ducatur deinde perpendicularis B D. quæ in hoc secundo casu necessariò intra triangulum cadit. Dic: ut sinus totus, vel logarithmus illius ad sinum complementi B C A. vel logarithmum illius 97674746. ita tangens vel logarithmus tangentis C B. ad aliud, prodibit facta additione & subtractione prout moris est, logarithmus tangentis C D. 95530910. huic correspondent in tabulis 19. grad: 40. minut: quos si ex latere A C. subtrahas, prodibit latus D A. 20. grad: 20. minut:

Fiat deinde ut sinus vel logarithmus lateris D A, ad sinum vel logarithmum lateris C D. ita tangens vel logarithmus tangentis B C A, ad tangentem vel logarithmum tangentis D A B. huic respondent in tabulis Adriani Vlacque 53. grad: 18. minut. ergo complementum illius erit grad: 36. 42. minut.

Hac Methodo confecta est Tabula sequens, quæ pro singulis horis ad singula signorum initia Azimuth stellæ exhibet.

Item Tabula inferior pro capella, primæ magnitudinis Astro coninnata, quam post caput 5. his chartis insertam reperies.

## Explicatio Tabulæ sequentis.

*Litera S. superposita docet, Azimutha omnia Sideris esse Septentrionalia Syllaba Or: denotat Stellam eo tempore morari in parte Cæli Orientali: Syllaba Occ: verò indicat Sidus tunc in parte Cæli Occidentali versari. Intermedia deniq; loculamenta ostendunt, quantum singulis horis arcum Horizontalem intercipiat Circulus verticalis per Stellam ductus, cum Circulo verticali primario, quem Zenith loci, punctaque Ortus & Occasus determinant, ad Elevationem Poli 50. Graduum.*

## Annotatio in sequentem Tabulam.

**M**irabitur fortasse Lector tam heteroclita Tabulæ incrementa & decrementa: cur videlicet Sole primum Arietis gradum occupante Azimutha Sideris horâ nonâ & decimâ minuantur, mox iterum horâ undecimâ & duodecimâ crescant, cum tamen eo tempore meridianum Stella necdum transiverit.

Similem anomaliam passim in Tabula reperies Sole cætera Signa pererrante. Causa illius est, quòd declinatio Stellæ assumptæ major sit, quàm latitudo loci Geographica, quod mysterium ut tyrones intelligant, placet illud sequenti capite fusius exponere.

Tabu-

Tabula Azimuthorum pro radice caudæ majoris Ursæ supputatorum  
ad singulas horas nocturnas, Sole initia Signorum occupante.

Horz.	5. pom:	6. pom:	7. pom:	8. pom:	9. pom:	10. pom:	11. pom:	12. noct:	1. noct:	2. mat:	3. mat:	4. mat:	5. mat:	6. mat:	7. mat:
Signa	er: m.	gr: m.	gr: m.	gr: m.	gr: m.	gr: m.	gr: m.	er: m.	gr: m.	gr: m.	gr: m.	gr: m.	gr: m.	gr: m.	gr: m.
			S. 44. 16 Or:	S. 19. 43 Or:	S. 16. 39 Or:	S. 16. 6. Or:	S. 41. 18 Or:	S. 63. 28 Or:	S. 71. 32 Occ:	S. 43. 43 Occ:	S. 36. 27 Occ:	S. 36. 15 Occ:	S. 19. 0 Occ:		
				15. 54 Or:	19. 55 Or:	18. 21 Or:	75. 7 Occ:	44. 46 Occ:	36. 52 Occ:	36. 4 Occ:	38. 31 Occ:	42. 37 Occ:			
					75. 24 Occ:	44. 56 Occ:	36. 41 Occ:	36. 8 Occ:	38. 29 Occ:	41. 37 Occ:	47. 49 Occ:				
					16. 19 Occ:	16. 22 Occ:	19. 13 Occ:	41. 17 Occ:	48. 18 Occ:	54. 43 Occ:	61. 48 Occ:				
					19. 46 Occ:	44. 15 Occ:	49. 51 Occ:	56. 6 Occ:	62. 35 Occ:	70. 6 Occ:	78. 0 Occ:				
				44. 10 Occ:	49. 41 Occ:	56. 5 Occ:	62. 57 Occ:	70. 27 Occ:	77. 51 Occ:	86. 1 Occ:	85. 44 Or:	77. 34 Or:			
			S. 48. 50 Occ:	55. 2 Occ:	61. 55 Occ:	69. 19 Occ:	77. 11 Occ:	85. 20 Occ:	86. 56 Or:	78. 45 Or:	70. 49 Or:	63. 18 Or:	56. 19 Or:		
		S. 54. 7 Occ:	60. 53 Occ:	68. 14 Occ:	76. 2 Occ:	84. 9 Occ:	87. 35 Occ:	79. 12 Occ:	71. 56 Occ:	64. 21 Occ:	57. 14 Occ:	50. 52 Occ:	45. 12 Occ:	40. 29 Occ:	
		S. 60. 50 Occ:	68. 11 Occ:	76. 0 Occ:	84. 7 Occ:	87. 22 Occ:	79. 26 Occ:	71. 28 Occ:	63. 54 Occ:	57. 19 Occ:	50. 51 Occ:	45. 15 Occ:	40. 27 Occ:	37. 2 Occ:	35. 53 Occ:
	77. 9 Occ:	85. 18 Occ:	86. 26 Occ:	78. 16 Occ:	70. 21 Occ:	62. 31 Occ:	55. 55 Occ:	49. 38 Occ:	44. 27 Occ:	39. 38 Occ:	36. 42 Occ:	36. 2 Occ:	40. 54 Occ:	62. 3 Occ:	70. 14 Occ:
	85. 19 Occ:	77. 10 Occ:	69. 18 Occ:	62. 15 Occ:	55. 1 Occ:	48. 48 Occ:	43. 30 Occ:	39. 4 Occ:	36. 26 Occ:	38. 15 Occ:	42. 27 Occ:	70. 14 Occ:	64. 34 Occ:	41. 37 Occ:	36. 6 Occ:
		62. 0 Occ:	55. 9 Occ:	47. 30 Occ:	41. 12 Occ:	39. 9 Occ:	36. 21 Occ:	36. 20 Occ:	42. 15 Occ:	66. 42 Occ:	65. 16 Occ:	41. 51 Occ:	36. 11 Occ:	36. 32 Occ:	

Stella cujus declinatio major est quàm latitudo loci  
Geographica, bis intra idem Hemisphærium ad eundem  
Verticalem appellit.

**S**It Meridianus  $ABDZ$ . æquator  $m q X$ . \* cujus Polus in  $A$ .; cir- \* Vide Fig: 4.  
culus  $FD$ . repræsentet Horizontem, Polus verò illius sit vertex lo-  
ci  $B$ . parallelus denique motu diurno sideris descriptus, esto circulus  
 $h g$ . eritque arcus  $A h$ . necessariò minor quàm arcus  $AB$  complemen-  
tum latitudinis geographicæ, quandoquidem ex hypothesi declina-  
tionem stellæ  $h m$ . majorem assumpsimus, quàm sit latitudo regio-  
nis  $B m$ .

Ducatur deinde ex  $B$  circulus verticalis parallelum  $h g$ . tangens  
in  $o$ . per 15. lib: 2. Theodosi: item aliquot alij intra tangentem con-  
stituti, qui necessariò parallelum  $gh$ . secabunt in duobus locis.



His positis manifestum est, si stella motu diurno ab  $h$  progredia-  
tur versis  $o$ , quòd circuli verticales per centrum sideris ducti magis  
semper ac magis recedant à puncto  $F$ . & consequenter primario ver-  
ticali reddantur viciniore, usque dum pervenerit sidus ad punctum  
contactus  $o$ . per quod punctum ductus verticalis maximè à puncto  $F$   
digreditur: ubi verò stella motu diurno arcum  $o g$  percurrerit, ne-  
cessè est ut eosdem denuo stella, quos antè reliquerat, verticales circu-  
los occupet, atque ita sensim à primario verticali, hoc est à puncto  $R$ .  
denuo recedat, & quidem intra idem occidentalis v.g. plagæ hemi-  
sphærium, quod erat ostendendum.

Ut porro notum tibi fiat tempus, quo stella tangentem in  $o$ . cir-  
culum sit occupatura, ita operaberis: ducatur per centrum  $o$ . decli-  
nationis quadrans  $A q$ , qui cum transeat per polos circuli  $gh$ . paral-  
leli, necessariò etiam transibit per polos circuli  $BZ$  juxta Theodosij se-  
cundum prop: 5. atque adeò secabit circulum  $BZ$  ad angulos rectos  
per 15. primi libri Theodosij: quare triangulum  $A o B$ , erit circa  $o$ .  
rectangulum.

Notum item est latus  $AB$ . sive hypotenusa 40. graduum, &  
crus  $A o$  complementum declinationis 31. gra: 24. minut: ex quibus  
facile reperies angulum  $BA o$ . qui hypotenusa & crure dato inter-  
cipitur: nam ut sinus totus ad tangentem complementi hypothe-  
nuse, sic tangens cruris dati, ad sinum complementi anguli quæsit.  
Factà Logarithmorum additione & subtractione prodibit logarith-  
mus

mus quarti 98618029. ut vides in margine, cui' correspondet arcus 43. grad: 41. min: ergo angulus interjacens quæsitus sive B A o, est 43. grad: 19. minut.

Ea propter quoties distantia sideris à meridiano hoc est arcus q m fuerit 43. grad: 19. minut: toties Astrum versabitur in circulo parallelum contingente, occupabitque punctum o, qui est limes, seu terminus verticalium circularum ad prædictum sidus pertinentium.

Indagandum tamen adhuc restat, quo temporis momento Sole primum v.g. Cancrì gradum obeunte in hac Poli elevatione, distantia sideris à meridiano, sive arcus q m, sit futurus graduum 43. 19. minut. Hoc ut inuenias inquire ascensionem stellæ rectam, quæ in præsentì casu est 189. grad: 54. minut: huic addes arcum q m, cùm stella sit in quadrante occidentali (subtrahitio faciendà erat, si stella fuisset in quadrante Orientali) prodibit ascensio recta medij Cœli  R m. 233. grad: 13. minut: Ex hac subtrahatur ascensio Solis  X. 91. graduum 6. minut: in quadrante occidentali (addatur in quadrante orientali) remanebit arcus X m, sive distantia Solis à meridiano 142. grad: & 7. minut: quæ conversà in tempus Solare dant novem horas & 27. minuta prima fere. Itaque dum Sol primum Cancrì gradum occupans à meridie horas 9. & 27. minuta confecerit, radix caudæ majoris Ursæ terminum prædictum seu litem o. contingerit.

Simili ratiocinio aliarum stellarum limites cujusvis industria supputare poterit.

## C A P U T IV.

### Observationes in magneticum Stellæ Horologium.

**E**X dictis constat Siderum Azimutha, à declinatione, earumque ascensione recta pendere: notum verò est mutari subinde declinationem, & ascensionem stellæ, unde oportet ipsa quoque azimutha horaria variari. Hæc tamen differentia ascensionum & declinationum usque aded exilis est, ut quarundam stellarum declinatio per annorum centuriam vix gradu dimidio, ascensio vix integro varietur, ex qua differentia pauculis dein minutis Azimutha discrepant; proinde Tabellâ præsertim inferior, sæculis aliquot usui esse poterit ad elevationem Poli graduum 50. accommodata.

Cæterum radix caudæ majoris Ursæ centum annorum intervallo minuit declinationem suam minutis 33. ascensionem rectam 69. minutis primis auget.

Capella verò sidus primæ magnitudinis, cujus Azimutha exhibet Tabula inferior, declinationem suam quovis sæculo auget 10. minutis; ascensio verò illius recta crescit 1. gradu: 49. minutis.

Causa hujus incrementi & decrementi est motus Stellarum proprius circa polos Zodiaci, ab occidente versus orientem tendens, quo sensim longitudinem suam variant. Hæc reptatio, cum admodum lenta sit, necessariò ipsa quoque declinationis & ascensionis incrementa vel detrimenta minuta erunt.

Augeri porro omnes Siderum ascensiones rectas crescente eorum longitudine, hætenus crediderant Astronomi, usque ad Joannis Riccioli tempora, qui cæteris hoc in puncto oculatior, primus quoddam, deprehendit stellarum intra circulos polares existentium ascensiones rectas non semper crescere, quamvis crescant earum longitudines. Vide de his Almagestum ipsius lib: 6. cap. 19. problem: 11. num: 14. ubi demonstrat ascensionem rectam Lucidæ, quæ est in humero Ursæ minoris ab initio mundi perpetuò decrevisse. Et verò deficiet adhuc usque ad annum Christi 2137 $\frac{1}{2}$ . quo deinde exacto paulatim incipient ejus ascensiones rectæ crescere.

Dixi paulatim: ob motum Astrorum proprium lentissimum, per quem Ricciolo judice, anni unius spatio 50. solim minuta secunda consuecunt, vel cerè ut mavult Tycho, Keplerus, Bullialdus, &c. 51. minut secund. Unde Sidera fixa nonnisi post annorum vigintri quinque millia & quadringentos, vel nongentos cursum suum absolutura sunt.

Quamquam Ptolomæus prædictam fixarum Periodum ad 36000. Alphonfina ad 49. annorum Julianorum millia extendant. Atque hanc revolutionem gentiles Philosophi annum Platonicum nominarunt, eratque Stoicis præsertim celeberrimus, qui rerum omnium instaurationem & anastasin seu resurrectionem tunc futuram credebant, sed præcedente universali diluvio, si Astra coirent in Capricorno, vel generali incendio, si coirent in Cancro; de quibus vide Macrobi: Cenforinum. Justum Lipsium lib: 2. Physiologiæ Stoicæ cap: 21. & 22.

Universim loquendo motus Stellarum proprius, quamdiu tendit à ♉ per ♋ ad ♌, declinationem Borealem auget, Australem dimittit, quamdiu verò tendit à ♌ per ♍ ad ♎, Capricornum, è contrario

trario declinationem Borealem minuit, australem auget. Ascension-  
es verò rectæ semper crescunt cum ipso motu proprio; nisi stella  
complementum latitudinis minus habeat quàm sit distantia Polorum  
Eclipticæ & æquatoris, tunc enim crescente longitudine poterit ascen-  
sio recta illius decrescere.

Alterum quod in prædicto Horologio nocturno apprimè notan-  
dum venit, est declinatio cuspidis magneticæ, græcè *καλιβόκλισις*;   
de qua multa Gilbertus, & Athanasius Kircherus in Magnete: licet  
enim acus nautica unâ sui parte Australem plagam, altera Septentrio-  
nalem respiciat; in compluribus tamen locis, gradibus aliquot à li-  
nea meridiana deprehenditur secedere: unde *καλιβόκλισις* nihil aliud  
est, quàm angulus factus à linea Meridiana & acu magnetica, habente  
centrum sui motûs in meridiana linea.

*In freto Da-  
niæ acus de-  
clinat 50. gr.  
Ortum ver-  
sus.*

*Ilvæ in portu  
ferreo ad su-  
mam Arabi-  
cum declinat  
gr: 20. eun-  
dem Ortum  
versus.*

*Apud quendam  
Balthici ma-  
ris sinum a-  
cus nautica  
in Zyrum ver-  
titur navigan-  
tibus.*

Declinat porro cuspis in quibusdam regionibus versus ortum, ali-  
bi versus occasum. In insula Corvæ, Melitæ, Viennæ Austriæ, Con-  
stantinopoli adamussim cum meridiana linea convenit. Romæ, Pra-  
gæ, Olomucii versus ortum; Antverpiæ, Neapoli, Laureti, &c. ver-  
sus occasum recedit; quod Naturæ mysterium probabilis ex magne-  
ticarum sub terris latentium fibrarum majore vel minore copiâ &  
viciniâ oritur. Quanquam etiam putem subinde acum diversarum  
fodinarum animatam lapidibus, diversis eodem in loco declinationi-  
bus esse obnoxiam: Huc accedere possunt neglectæ in communican-  
da per contactum verticitate stabili industriæ, &c.

Itaque si usum magnetici Horologii syncerum desideras, ante om-  
nia constare debet acûs declinatio, quæ cum in loco quem inhabitas,  
notabilis fuerit, haud leves pro horâ currentis temporis indaganda  
errores, si negligatur, secumferet, quos ut evites adiciendi erunt de-  
clinationis gradus angulo  $m o n$ , quando cuspidis declinat à Septentrio-  
ne in ortum, subtrahendi verò si ad occasum cuspidis vergat, vel certè  
loco  $C D$ . (*vide Fig: 1.*) alia ducatur linea  $h I$ , eo pacto ut angulus  $h$   
 $o C$  quantitatem declinationis magneticæ exhibeat. hujus porro li-  
næ terminus  $h$ , inter  $C$  &  $B$  collocandus erit, si magnes declinet or-  
tum versus. Inter  $C$  verò &  $A$  reponetur si declinatio fuerit Occi-  
dentalis, & tunc complementum anguli  $B o h$ . erit verum Azimuth.  
Cæterum Pragensis declinatio 5. grad: 30. minut: numerat Olomuci-  
um duos grad: &c. Aliarum civitatum catalogum numerosum da-  
bit Kircherus & Joannes Ricciolus in libro suo Geographico.

Tertiò quoque, vocandum in memoriam id, quod supra insinuavi;  
Horo-



Horologium magneticum ad unam solum Poli elevationem accommodatam esse, unde Tabulæ à nobis supputatæ pro elevatione sola Poli 50. graduum & vicinâ deserviunt. Usui porro esse poterunt per Boëmiam totam, Moraviam & Silesiam, minura enim Horizontis diversitas, insensibilem calculo variationem inducit.

## C A P U T V.

### Incommoda quædam Magnetici Horologii, eorumque remedia.

**E**Legimus supra cap. 1. & 2. pro horâ noctis indagandâ constellationem majoris Ursæ, quodd cæteris famosior, rudium etiam hominum animos in sui rapiat notitiam. Pauci enim sunt, quos asterismus ille lateat, cum nocturna cœli serenitas ad spectandum provocat.

Ex hoc porro Stellarum septenario radicem caudæ assumpsimus, secundæ magnitudinis Astrum; quodd ad manum esset supputata per accuratè illius declinatio, nec non ascensio recta, quibusdam etiam observationibus stabilita, unde facilis, & securus licuit ulteriori calculo ad singulas horas ejusdem Azimuth colligere.

Verum habet nonnulla hæc constellatio, quæ in præsentî negotio non levia pariunt Astrophilis incommoda.

Primum est, quodd crepusculorum tempore multorum oculorum aciem effugiant secundæ magnitudinis Sidera, unde tota ijs per Junium nocte evanescunt, nimia luce in hac Poli elevatione visum perstringente, atque ita usum instrumenti magnetici non sustinent.

2. Permolestum accidit quodd inter quarundam horarum azimuth differentia sit tam exilis, ut instrumento (nisi magnitudinis fuerit insolitæ) discerni nequeat, vide in Tabula superioris paginæ horam tertiam & quartam, Sole initium Arietis occupante, reperies differentiam memoratorum Azimuth quartâ parte gradûs minorem esse. Imò prima Solstitij æstivi nocte deprehendes ab horâ nonâ usque ad decimam, stellæ assumptæ Azimuth tribus solum minutis augeri, quod tantillum incrementum quis acu magnetica attingât?

3. Quia radix prædicta caudæ majorem declinationem habet, quàm sit latitudo nostræ regionis geographica, necessariò juxta Capitis tertij doctrinam bis intra idem hemisphærium tum Orientale, tum Occidentale ad eundem verticalem appellat, unde ex Azimutho tunc temporis observato, (nisi aliunde colligas) nescietur, an primâ vel alterâ vice Sidus verticalem illum circulum occupet, atque adeò

4. Cum azimutha tantum ad singula signorum initia supputata sint, non item pro reliquis hebdomadarum intervallis, continget, ut Sole ceteros Zodiaci gradus obeunte, incertum exinde temporis momentum eruas.

Quibus incommodis, ut, quantum hic & nunc potui, obviarem; aliam confeci Tabulam assumpto in hunc finem primæ magnitudinis Astro, quod humerum Erichonij sinistrum, vulgo Capellam vel hircum dicimus. nam primò stella hæc usque aded Lucida est, ut nisi hebes omnino sit visus, etiam per crepuscula spectandam sese offerat.

2. Differentia Azimuthorum horaria perquam notabilis est, decem, duodecim, tredecim, pluresve gradus exæquans, nullibi septem gradibus minor.

3. Declinatio hujus Stellæ est tantum 45. grad: 37. minut: minor videlicet, quàm latitudo loci geographica, quare ad eundem Azimuthi semicirculum non revertitur, & tamen nocte semper integra manet conspicua, nunquam infra Horizontem descendens; ut proinde huic negotio in nostra Poli elevatione commodiorem non reperiatis.

Supereſt tantum quarto incommodo prospicere: ut videlicet non tantum Sole principia signorum percurrente, sed etiam reliquis hebdomadarum intervallis, instrumentum hoc debitum usum obtineat; quæ res majorem quàm initio credideram, diticultatem ingelsit; neque enim licuit horaria Azimuth omnium signorum in quoddam recte acui magneticæ subjectum includere, quemadmodum Solis Azimuth colligavit in Arte magnetica Kircherus, ob nimias illorum heteroclines confusionem parituras; pro singulis item novus ad quasvis signorum decades calculus instituendus nimiam exegisset operam.

Visum tandem fuit, ut bina quævis signa inter se conjungerem; Cancrum nimirum cum Geminis, item Geminos cum Tauro, Taurum cum Ariete, Arietem cum Piscibus, Pisces cum Aquario, Aquarium cum Capricorno.

Similiter eundem Capricornum cum Sagittario, hunc cum Scorpione, Scorpionem cum Libra, Libram cum Virgine, Virginem cum Leone, Leonem denuo cum Cancro neſterem, deputatis in hunc finem chartis duodecim separatis, quæ intra limbum instrumenti reconditæ (ut fieri solet in Astrolabijs) subinde juxta mensium circumstantiam, per vices indagandis accuratius horis servirent.

*Vide fig: 5.*

Itaque Centro A. binos descripsi circulos\*secundum capacitatem limbi & chalybeæ lingulæ magnitudinem; quorum unus Cancrum, iter inferior Geminos exhibet, utriusque peripheriam in 4. divisi partes

122 A



merid:



partes æquales per diametros h K & L m, singulis adscripsi plagas Cœli, inverso tamen ordine; nam puncto L quod cæteroquin in ipso usu Horologij orientale hemisphærium respicit, adscripsi occasum, puncto M orientem, &c.

Ex hoc puncto L occasus æquinoctialis termino; versus K in circulum Cancro destinatum transtuli grad: 71. 27. minut: pro hora 9. Item gradus 81. 47. minut: pro horâ decima vespertina, &c. sic enim fiet, ut cum linea h K circulo verticali Sideris fuerit parallela, ipsa cuspis magnetica ad momentum horæ nonæ puncto X, horâ verò decimâ puncto Z congruat; recedit enim Sidus horâ nonâ à Septentrione versus occasum 18. grad: 13. minut: qui sunt Azimuthi complementum dictæ horæ respondentis.

Similiter ex puncto M versus K transtuli gradus 87. 40. minut: pro hora 11. item gr: 77. 10. minut: pro hora noctis 12. item 67. gr: 38. minut. pro horâ noctis primâ, & sic deinceps juxta Tabellam paginæ sequentis.

Pari ratione pro Geminis in circulum interiorem Azimutha horaria transtuli ex P nimirum versus K cum stella versatur in plaga Cœli occidentali, & azimuthum fuerit Septentrionale. E contrario autem, si stella orientale Cœli hemisphærium occupet, Azimutha Borealia ex q. versus K, Australia verò ex q. versus h. transferenda erunt.

Quibus accuratè transactis horas sibi correspondentes per lineas rectas junxi, & ut charta ista horis nocturnis per reliqua mensis intervalla certius indagandis serviret, inter circulum Cancrî & Geminorum, duplicem arcum adjeci per signorum decades transeuntem juxta analemmatis proportionem.

Ultimò demum chartam limbo instrumenti conclusam, acui magneticæ ita supposui, ut linea h K esset  $\pi\eta$  G F, supra quam Tabula verticaliter erigitur (vide Fig: 1.) parallela, punctum verò L puncto C instrumenti congrueret; sic enim oculo juxta planum Verticale in stellam directo, necesse fuit, ut acus magnetica ad locum sibi debitum recurrens cuspidè horam designaret quæsitam limbo chartæ adscriptam.

# Azimuth Capellæ pro singulis horis nocturnis Sole initia Signorum percurrente.

Horæ.	5. nom:	6. pom:	7. pom:	8. pom:	9. pom:	10. pom:	11. pom:	12. noct:	1. noct:	2. mat:	3. mat:	4. mat:	5. mat:	6. mat:	7. mat:
Signa	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.
		M. 14. 38 Occ.	S. 16. 30 Occ.	S. 11. 10 Occ.	S. 19. 9 Occ.	S. 27. 1 Occ.	S. 34. 56 Occ.	S. 43. 19 Occ.	S. 51. 34 Occ.	S. 60. 56 Occ.	S. 70. 50 Occ.	S. 81. 7 Occ.	S. 88. 18 Or.	S. 77. 48 Or.	
			S. 18. 1 Occ.	S. 27. 52 Occ.	S. 33. 42 Occ.	S. 42. 7 Occ.	S. 50. 52 Occ.	S. 60. 11 Occ.	S. 69. 23 Occ.	S. 79. 39 Occ.	S. 89. 49 Or.	S. 79. 18 Or.	S. 69. 2 Or.		
				S. 42. 6 Occ.	S. 50. 49 Occ.	S. 60. 7 Occ.	S. 69. 59 Occ.	S. 80. 17 Occ.	S. 89. 52 Or.	S. 79. 20 Or.	S. 69. 8 Or.	S. 59. 16 Or.			
					S. 71. 37 Occ.	S. 81. 47 Occ.	S. 87. 49 Or.	S. 77. 10 Or.	S. 67. 38 Or.	S. 57. 53 Or.	S. 48. 43 Or.				
				S. 83. 14 Occ.	S. 86. 13 Or.	S. 75. 46 Or.	S. 65. 37 Or.	S. 55. 59 Or.	S. 47. 31 Or.	S. 38. 57 Or.	S. 30. 51 Or.	S. 21. 57 Or.			
			S. 86. 24 Or.	S. 75. 56 Or.	S. 65. 48 Or.	S. 56. 10 Or.	S. 47. 6 Or.	S. 38. 33 Or.	S. 30. 56 Or.	S. 23. 5 Or.	S. 15. 9 Or.	S. 6. 32 Or.	S. 4. 38 Or.		
		S. 77. 27 Or.	S. 67. 16 Or.	S. 57. 33 Or.	S. 48. 29 Or.	S. 39. 43 Or.	S. 31. 35 Or.	S. 23. 43 Or.	S. 16. 22 Or.	S. 7. 53 Or.	M. 2. 40 Or.	M. 13. 33 Or.	M. 68. 41 Occ.	M. 13. 52 Occ.	
	S. 68. 40 Or.	S. 58. 54 Or.	S. 50. 8 Or.	S. 40. 58 Or.	S. 32. 38 Or.	S. 24. 53 Or.	S. 16. 59 Or.	S. 9. 36 Or.	S. 0. 54 Or.	M. 18. 17 Or.	M. 87. 34 Occ.	M. 17. 17 Occ.	M. 0. 29 Occ.	M. 9. 19 Occ.	S. 17. 48 Occ.
	S. 49. 23 Or.	S. 41. 23 Or.	S. 32. 43 Or.	S. 24. 54 Or.	S. 17. 1 Or.	S. 8. 37 Or.	M. 1. 37 Or.	M. 19. 55 Occ.	M. 88. 19 Occ.	M. 17. 27 Occ.	M. 0. 35 Occ.	S. 9. 25 Occ.	S. 17. 44 Occ.	S. 25. 36 Occ.	S. 34. 0 Occ.
	S. 31. 38 Or.	S. 23. 46 Or.	S. 15. 51 Or.	S. 7. 20 Or.	M. 3. 18 Or.	M. 24. 42 Or.	M. 86. 55 Occ.	M. 13. 33 Occ.	S. 1. 5 Occ.	S. 10. 41 Occ.	S. 18. 53 Occ.	S. 26. 43 Occ.	S. 34. 36 Occ.	S. 42. 1 Occ.	S. 58. 49 Occ.
	S. 14. 45 Or.	S. 6. 2 Or.	M. 5. 19 Or.	M. 30. 22 Or.	M. 48. 25 Occ.	M. 9. 54 Occ.	M. 3. 14 Occ.	S. 12. 23 Occ.	S. 19. 57 Occ.	S. 27. 49 Occ.	S. 35. 49 Occ.	S. 44. 10 Occ.	S. 53. 4 Occ.	S. 62. 31 Occ.	S. 72. 30 Occ.
	M. 5. 7 Or.	M. 29. 35 Or.	M. 49. 58 Occ.	M. 10. 12 Occ.	S. 3. 4 Occ.	S. 12. 14 Occ.	S. 20. 20 Occ.	S. 28. 10 Occ.	S. 35. 37 Occ.	S. 44. 2 Occ.	S. 52. 54 Occ.	S. 62. 51 Occ.	S. 72. 20 Occ.	S. 82. 42 Occ.	S. 86. 45 Or.

Explicatio Tabulæ hujus præ eadem est, quæ superioris; Litera enim S. gradibus & minutis super. ostia docet Azimuth Sideris esse Septentrionale. Litera M. verò designat Azimuth illius Meridionale. Syllaba Or. Stellam eo tempore Orientalem esse docet. Occ. verò Occidentalem, ut supra monui.



**N**Ota in delineatione chartarum reliquarum difficultatem ingeri non levem ab horis illis, quibus Capella Austro vicinior meridianum vel brevi transitura est, vel paulo ante pertransijt; tanta enim tunc unius Mensis intervallo contingit Azimuthi variatio, ut sexaginta, nonaginta, pluresque interdum gradus excedat; atque aded lineis rectis horæ jungi nequeant. Cujusmodi saltribus obnoxia est hora octava, nona, decima, undecima pomeridiana, Sole in Capricorno existente, Item hora sexta, septima, octava, nona pomeridiana in Aquario; hora 6 & 7. pomeridiana in Piscibus, hora quinta matutina in Virgine; hora tertia, quarta, quinta matutina Sole Libram occupante. Hora prima, secunda & tertia matutina in Scorpione; Denique hora undecima, duodecima & prima Sole Arcitenentem ob-eunte.

Huic incommodo ut prospicerem, Tabellam adhuc tertiam addidi, quæ ad singulas Signorum decades Azimutha prædictis horis convenientia exhibet, ut videlicet ea in parallelos intermedios chartæ adscriptos transferas, & puncta illa horaria sic inventa per curvam quandam lineam nectas, hac enim ratione per intermedia Signorum spatia horam investigabis nocturnam securius. \*

Est & aliud præterea incommodum, quod observationibus Capellæ sese non nunquam ingerit; cum videlicet vertici nostro propè imminet; eo enim tempore difficilius Tabellam orthogonally erectam in planum Sideris verticale citra errorem diriges. Tentandum nihilominus erit, ut ad veritatem quàm proximè accedat praxis.

Vel si mavis, utere in illo casu Tabella superiore radici caudæ destinata, rariùs enim eveniet, ut utrimque paria sustineas incommoda; quod si tamen præter spem aliquando accidat, obscurioribus nocti-

bus casum illum annumera; fac quod Jove nubilò faceres, & tantisper utere Horologio portatili Patientiæ.

\* Chartas singulis Mensibus accommodatas penes me habeo, earum tamen delineatione cupro incidenda supersedeo, ut sumptus coarctem.

Sequuntur Azimuth Capellæ; secundum decades








	Gr.	m.	Gr.	m.	Gr.	m.	Gr.	m.
Sole in 10. gra: Capri- corni existente,	hora 8. poro. M.		hora 9. pom. M.		hora 10. pom. M.		hora 11. pom. M.	
	o.	45.	14.	37.	72.	47.	21.	25.
	Or.		Or.		Or.		Occ.	
in 20. gr: Capri- corni.	M.		M.		M.		M.	
	8.	57.	44.	9.	33.	4.	6.	7.
	Or.		Or.		Occ.		Occ.	
in 10. gr: Aquarij.	hor. 6. pom. M.		hor. 7. pom. M.		hor. 8. pom. M.		hor. 9. pom. M.	
	o.	21.	16.	20.	86.	2.	18.	34.
	Or.		Or.		Or.		Occ.	
	M.		M.		M.		M.	
in 20. gr: Aquarij.	9.	47.	47.	41.	30.	46.	5.	28.
	Or.		Or.		Occ.		Occ.	
in 10. gr. Piscium.	hor. 6. pom. M.		hor. 7. pom. M.					
	77.	15.	20.	26.				
	Or.		Occ.					
in 20. gr. Piscium.	M.		M.					
	36.	48.	7.	11.				
	Occ.		Occ.					
in 10. gr. Virginis.	hor. 5. mat. M.							
	14.	37.						
	Or.							
in 20. gr. Virginis.	M.							
	17.	24.						
	Or.							
in 10. gr. Libræ.	hor. 8. matur. M.		hor. 4. mat. M.		hor. 5. mat. M.			
	11.	13.	54.	24.	27.	23.		
	Or.		Or.		Or.			
in 20. gr. Libræ.	M.		M.		M.			
	28.	57.	51.	18.	10.	31.		
	Or.		Occ.		Occ.			
in 10. gr. Scorpio- nis.	hor. 1. mat. M.		hor. 2. mat. M.		hor. 3. mat. M.			
	9.	9.	46.	2.	32.	15.		
	Or.		Or.		Occ.			
	M.		M.		M.			
in 20. gr. Scorpionis.	26.	10.	57.	28.	11.	45.		
	Or.		Occ.		Occ.			
in 10. gr. Sagittarij.	hor. 11. pom. M.		hor. 12. noct. M.		hor. 1. mat. M.			
	11.	13.	54.	14.	30.	17.		
	Or.		Or.		Occ.			
	M.		M.		M.			
in 20. gr. Sagittarij.	13.	44.	43.	3.	9.	51.		
	Or.		Occ.		Occ.			

Hæc habui Lector  
Astrophile, quæ cir-  
ca memoratū pro-  
blema fusiùs discu-  
tiendū in mentem  
venerunt; unde si  
adhuc θεωρητικῶ-  
ν τε videntur, pe-  
nes te erit ut εὐα-  
δᾷ παραληλυθῶτα.

# APPENDIX.

125

Ut simili valeas ratione Horas interdiu ad Solis radios colligere, ecce Tabellam Azimuth Solis, ad Elevat: poli 50. grad:

Horæ.	12.	11.	10.	9.	8.	7.	6.	5.	4.
Signa.	gr. m.	gr. m.	gr. m.	gr. m.	gr. m.	gr. m.	gr. m.	gr. m.	gr. m.
	90.0.	66.41.	37.34.	20.23.	6.48.	4.48.	15.35.	26.18.	37.24.
					M.	S.			
	90.0.	62.48.	40.32.	23.23.	9.40.	2.16.	13.17.	24.12.	
					M.	S.			
	90.0.	66.59.	46.49.	30.19.	16.15.	3.59.	7.27.		
						M.	S.		
	90.0.	70.43.	52.59.	37.27.	23.51.	11.36.			
	90.0.	73.26.	57.48.	43.33.	30.40.	18.45.			
	90.0.	75.9.	60.56.	47.43.	35.34.				
	90.0.	75.45.	62.3.	49.14.					

Si proinde planum Verticale ita dirigas, ut utraque illius superficies simul & semel à Sole illuminetur, Signum erit eodem in circulo verticali tunc Solem morari. Hoc itaque Azimuth Solis, aut ei proximum perquires in Tabella, eadem namque exhibebit horam in fronte, dato tempore congruentem,

Exemplum. Sole initia Cancrì occupante, planum verticale in centrum Solis directum deviet à lineâ Æquinoctiali 37. gradibus, 34. minutis; idque antemeridiano tempore, ajo horam tunc esse decimam. Post meridiem foret hora secunda.

Qua item Methodo licebit uti núbilo aliquantùm Cœlo, dummodo corpus Solare nonnihil intra nubes se manifestet, poteris enim tunc ipsum visum in Astrum dirigere, ut suprà de fixis dictum.

Quodsi meridianâ fortè lineâ sis destitutus, operæ pretium erit sereno Cœlo gnomonis umbras in plano Horizontali metiri, quas in Tabella inferiore perquires: & frons tabellæ illius docebit horam quæ sitam.

Tabula Umbrarum à gnomone in planum Horizontale pro  
jectarum, Sole in duodecim Signorum initijs existente, eorúmque  
decadibus. Gnomon divisus assumitur in 60. partes.

Horæ,	12.	11. 1.	10. 2.	9. 3.	8. 4.	7. 5.	6. 6.	5. 7.	4. 8.
Signa & Decad. Signor.									
☉ 30.	30.	33.	42 $\frac{3}{5}$	57 $\frac{3}{5}$	79 $\frac{4}{5}$	116 $\frac{2}{5}$	187 $\frac{1}{5}$	388 $\frac{4}{5}$	5892 $\frac{3}{5}$
10. 30 $\frac{3}{5}$	30 $\frac{3}{5}$	33 $\frac{3}{5}$	43 $\frac{1}{5}$	58 $\frac{1}{5}$	81.	118 $\frac{1}{5}$	190 $\frac{1}{5}$	403 $\frac{1}{5}$	12891 $\frac{3}{5}$
20. 32.	32.	35 $\frac{2}{5}$	44 $\frac{2}{5}$	60.	83 $\frac{2}{5}$	122 $\frac{2}{5}$	200 $\frac{2}{5}$	449 $\frac{2}{5}$	
☿ 34 $\frac{1}{5}$	34 $\frac{1}{5}$	37 $\frac{4}{5}$	46 $\frac{4}{5}$	63.	87 $\frac{3}{5}$	129 $\frac{3}{5}$	219.	552.	
10. 37 $\frac{4}{5}$	37 $\frac{4}{5}$	40 $\frac{4}{5}$	50 $\frac{2}{5}$	67 $\frac{1}{5}$	95 $\frac{3}{5}$	141.	249 $\frac{3}{5}$	798.	
20. 42.	42.	45 $\frac{3}{5}$	55 $\frac{1}{5}$	72 $\frac{3}{5}$	102.	157 $\frac{1}{5}$	300.	1704.	
♋ 47 $\frac{2}{5}$	47 $\frac{2}{5}$	51.	61 $\frac{1}{5}$	80 $\frac{2}{5}$	113 $\frac{2}{5}$	180 $\frac{3}{5}$	388 $\frac{4}{5}$		
10. 54 $\frac{3}{5}$	54 $\frac{3}{5}$	57 $\frac{3}{5}$	69.	90.	128 $\frac{2}{5}$	214 $\frac{4}{5}$	572 $\frac{2}{5}$		
20. 62 $\frac{2}{5}$	62 $\frac{2}{5}$	66 $\frac{3}{5}$	78.	102.	148 $\frac{4}{5}$	267.	1132 $\frac{1}{5}$		
♊ 71 $\frac{2}{5}$	71 $\frac{2}{5}$	75 $\frac{3}{5}$	89 $\frac{2}{5}$	117 $\frac{1}{5}$	177.	355 $\frac{1}{5}$			
10. 82 $\frac{1}{5}$	82 $\frac{1}{5}$	87.	103 $\frac{1}{5}$	137 $\frac{2}{5}$	216.	528.			
20. 95 $\frac{3}{5}$	95 $\frac{3}{5}$	100 $\frac{4}{5}$	120.	162 $\frac{3}{5}$	273 $\frac{3}{5}$	985 $\frac{4}{5}$			
♏ 110 $\frac{2}{5}$	110 $\frac{2}{5}$	117.	140 $\frac{2}{5}$	196 $\frac{1}{5}$	364 $\frac{1}{5}$	5729 $\frac{2}{5}$			
10. 127 $\frac{4}{5}$	127 $\frac{4}{5}$	135 $\frac{2}{5}$	165.	239 $\frac{2}{5}$	519 $\frac{3}{5}$				
20. 146 $\frac{2}{5}$	146 $\frac{2}{5}$	156 $\frac{1}{5}$	193 $\frac{1}{5}$	294 $\frac{3}{5}$	823 $\frac{4}{5}$				
♍ 166 $\frac{1}{5}$	166 $\frac{1}{5}$	178 $\frac{1}{5}$	224 $\frac{2}{5}$	364 $\frac{1}{5}$	1598 $\frac{2}{5}$				
10. 184 $\frac{1}{5}$	184 $\frac{1}{5}$	198 $\frac{3}{5}$	254 $\frac{2}{5}$	441	5156 $\frac{3}{5}$				
20. 197 $\frac{1}{5}$	197 $\frac{1}{5}$	213.	276 $\frac{3}{5}$	505 $\frac{4}{5}$					
♌ 202 $\frac{1}{5}$	202 $\frac{1}{5}$	219.	285 $\frac{3}{5}$	533 $\frac{2}{5}$					

Qualium partium Gnomon est 60. talium horæ duodecimæ umbra 30.  
Sole Cancrum ineunte.

A. M. D. G.